



Inatsisartunut ilaasortaq Isak Hammond, Inuit Ataqatigiit
Inatsisartut
/Maani

Qalerallit pillugit § 37 malillugu apeqquut 2012-146

Inatsisartut Suleriaasianni § 37, imm. 1 naapertorlugu qaleralinnik aalisarnissamut akuersissutit pillugit apeqqutunik saqqummiussisimavutit. Apeqqutit uannut akisassanngorlugit innersuussutigineqarsimapput.

Apeqqutit:

- "Nalunaarutip aaqqinneratigut qaleralinnik pisassanik agguaassisarneq eqqarsaatigalugu Upernavik, Uummanaq kiisalu Diskobugt-imi 1. juli aallarnerfingalugu tunniussisoqartalissasoq pisinnaava kiisalu Naalakkersuisut taamak pilersaaruteqarpat?"

Akissutit:

- Ukiup pisassiissusiiffiusup nuunneqarnissaanut periarfissaqarpoq.

Kisiannili aalisagaqatigiinnut amerlanernut biologit siunnersuisarneri juni-p qeqqata missaaniit takkuttartut tunngaviliullugit, ukioq pisassiiffiusoq 1. januar-imiit atuutilersarpoq.

Tusarniaanerit, pisassiissutininik aalajangiinerit, akuersissutininik atulersitsinerit sioqqutsilluni ingerlanneqartassappata, ukiup pisassiiffiusup atuutilinnginnerani, 1. januarimiit akuersissutit atuutilernissaa aalajangiusimaannassallugu pisariaqassaaq.

Inussiarnersumik/inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisoq

6. jun 2012
Suliapnr. 2012-067170
All.Upp.Nr. 925102

Postboks 269
3900 Nuuk
Oqa. (+299) 34 50 00
Allak (+299) 34 63 55
E-mail: apnn@nanoq.gl
www.nanoq.gl



Nuuk, 30. maj 2012

Inatsisartut Suleriaasianni § 37 naapertorlugu matumuuna imaattumik Naalakkersuisunut apeqquteqarpunga.

Nalunaarutip aaqqinneratigut qaleralinnik pisassanik agguaasarneq eqqarsaa-tingalugu Upernavik, Ummannaq kiisalu Disko bugt-mi 1. juli aallarnerfingalugu tunniussisoqartalissasoq pisinnaava kiisalu Naalakkersuisut taamak pilersaa-ruteqarpat?

(Inatsisartuni ilaasortaq Isak Hammond, Inuit Ataqatigiit)

Tunngavilersuut

Taamatut piffissamik nikisitsineq arlalitsigut pitsaasumik kinguneqartumik nassataqassaaq. Ilisimavarput ukiup naajartornerani qaammatini november-imi aammalu december-imi pisassiissutinik nunguttoqartillugu assigiinngitsutigut pitsaanngitsumik kinguneqartartoq.

1 juli pisassiissutit agguaanneqartaleraluarpata, pitsaaqutaasussat tassaapput: qanga ileqqut malillugit upernaakkut angallatinik iluarsaassinerit tukummateqarani pisassangaluarput aammalu aalisarnikkut piniagassatigullu periarfissat allat upernaakkut takkuttartut atorluarneqassangaluarput.

Umiatsiaararsortut taamatutaaq pitsaanerusumik inuuniarnermikkut misigisaqartalissangaluarput imminnullu pilersorsinnaanermikkut assigiinngitsunut periarfissanut, atorluanaanerunissaminut periarfissaq atorluartalissallugu.